



Достон

● 16 (2436)

● 1992 ЙИЛ 8 ФЕВРАЛЬ

● ШАНБА

● НАРХИ: ОБУНАЧИГА 30 ТИЙИН, СОТУВДА 40 ТИЙИН

ҚИСҚА САТРАЛАР

Хива туманидаги Энгельс номи жамоа ҳўжалигида яшовчи Э. Отажонов шу туманининг «XXII партсъезди» жамоа ҳўжалигида яшовчи Э. Ниезбоев билан гапни бир жойга қўйди-да, ўзига бириктирилган «ГАЗ-53» машинасида йўлга чиқибди.

Бироқ хўшёр ДАН ходимлари уларни тўхтатиб, ИИБга олиб бордилар. Текширишда шоввозлар ортган 4200 литр (жами 15120 сўмлик) бензин қўшни Туркменистонга «аталгани» аниқланди.

Беруний туманидан К. Сафарбоев бошқарувида сафарга отланган улов ҳам ДАН ходимлари диққатини тортди. «КАМАЗ-5320» белгили машинага ортилган 1410 килограмм қовун олибсатарлар кўзлаган Туркменистоннинг Чоржўй вилоятида эмас, Дўстлик шаҳридаги колхоз бозорида сотилди.

Хоразм вилояти ИИБ ДАНБ ходимлари милиция сержантлари Ш. Дурдиев ва М. Султоновлар Тошҳовуз вилоятидаги автокорхонага қарашли 48-88 ГЗЛ автобусини тўхтатишдию ёқа ушлаб қолишди. Автобус ичида болалар кийимлари, болалар совуни, атторлик моллари, жами 7389 сўмликдан ортиқ буюмлар қалашиб ётарди.

Милиция старшинаси М. Содиқов, милиция сержанти Қ. Ҳантовлар соат 21 лар чамаси олиб келатган «Урал-4320» белгили 54-49 ХЗЛ рақамли автомашинани тўхтатишди. Улов юкхонаси очиб кўрилганда, 10 бош қорамол ортилгани маълум бўлди.

Аниқлашишча, бу моллар Урганч туманидаги колхоз бозоридан сотиб олиниб, Туркменистоннинг Мари вилоятида пуллашга мўлжалланган экан.

Саъдулла БОБОЕВ.

Тошкент шаҳридаги Куйбишев тумани ички ишлар бўлими жумҳурият ИИВ ташаббуси билан ўтган йил сентябрь ойида бошқармага айлантирилди. Ишончимиз комилки, мазкур гап бу ҳақда беҳабар бўлган мухлисларимиз учун кўз кўриб, қулоқ эшитмаган янгилик.

Бу янгилик осмондан тушгайдек қутилмаганда юз бермади. Аксинча, вазирилик раҳбарларининг жиддий бош қотиришлари на-

ХАВАРИНГИЗ БОРМИ?

БўЛИМ ЭМАС, БОШҚАРМА

тижасида амалга оширилди. Фикримизни исботлаш учун бир-иккита рақамларни бир-бирига таққослаш жонзидир.

Ҳаммага маълум, биргина Хоразм вилоятида ўнлаб туманлар бор ва шу туманлар ИИБлари фаолиятини ягона бошқарма

мувофиқлаштириб туради. Ана шу бошқармага сими қоқиб, ўтган йил давомида вилоятда 2 минг 453 марта қонунбузарлик содир этилганлигини билиб олдик. Худудий жиҳатдан Хоразм вилоятининг бир туманига теги бўлган Куйбишев туманида эса 1991 йил давомида 2 минг 301 марта тур-

ли даражадаги жиноий ҳаракатлар қайд этилган.

Кўришиб турибдики, Куйбишев тумани ички ишлар бўлимининг бошқармага айлантирилиши кўрқўрона қилинган ҳаракат эмас, балки давр ва шароит тақозоси эди.

Хўш, Тошкент шаҳридаги туман ички ишлар бошқармасининг ҳозирги фаолияти ҳақида нималар дейиш мумкин? Ана шу саволга рўзноманинг иккинчи саҳифасидан жавоб топасиз.

ИЛИҚ ТУННИНГ СОВУҚ ВОҚЕАСИ

Кунларнинг одатидан кўра илиқлиги ёшларнинг жонини киритди. Бундай пайтда уларни бетон катлакларда ушлаб туришга катталар туғул сеҳри баланд ойнаижохон ҳам қодир эмас. Қайнаб-тошаётган вужуд кенгликка, кўпчиликка талпинаверади.

Тунги чироқ шуъласида салобати ва ҳайбати янада улуғвор кўринадиган иморатлар оралаб юрган киши висол онлари, дўстона суҳбат, шунчаки эрмакка вақтни тенгдошлари даврасида ўтказиш билан банд ёш-яланларни учратади.

ТТЗ даҳасидаги 4-маҳалла уйларида бири олдида соат ўн иккиларга яқин аллабапаларни шивирлашаётган жуфт билан бировнинг иши ҳам бўлгани йўқ. Аксинча, нозик туйғуларга тўла қалб-

ларни чўчитмаслик ниятида ўша жойни четлаб ўтишарди. Бироз ўтгач, улардан бири — ҳали ҳаёт шаробидан тўйиб сипқоришга улгурмаган қиз нобуд бўлишини билганларида эди, балким...

Чор атрофдаги уйларида яшовчиларни икки марта янграган ва ҳиссиз деворларга урилиб, ваҳимали тус олган жон ҳолатдаги қичқирқол қотишга мажбур этди. Шоша-пиша ташқарига отилганлар кўзи шундоққина йўлак яқинида чалқанча ётган 19 ёшли Любага тушарди. Енида қон халқоби. «Тез ёрдам» етиб келганида, отонанинг ёлғиз овуноғи вужудини жон тарк айлаганди.

Куйбишев тумани ички ишлар бошқармаси 1-милиция бўлими ходимлари милиция катта лейтенантлари

Абдуғаффор Абдусаматов ва Фатхулло Утегеновлар қий-чув устидан чиқибди. Любанинг ота-онаси, кўни-кўшнилари нигоҳида даҳшат ва ғазаб қотиб қолганди. Ўзинга қадалган бу кўзларнинг қарашларига бардош бериб, оғир жиноятни очишга киришиш осон эмас. Зеро, ўша кўзлар сенинг ҳар бир қадамингни кузатиб тургандек туюлаверади то қотил топилмагунга қадар.

Начора милициянинг чекига тушган иш экан. Азадор кўнгилга озор етказмаслик мақсадида ўта эҳтиёткорлик билан марҳуманинг яқинлари, дугоналаридан сурштириш бошланди. Ҳамма нарсани иссиғида ҳал этиш кераклигини англаган икки ходим кўпқаватли иморатлардаги ўнлаб хонадонларга кириб чиқибди. Ниҳоят қизлардан

бири Любани йўлакда Борис исмли йигит билан кўрганини айтди. Энг муҳими, калаванинг учини топишда. Абдуғаффор ва Фатхуллолар бунга эришдилар.

Тажирибали ходимлардан яна бир гуруҳи қўшилгач, қидирув тезлашди. ЖҚБ бошлиғи милиция майори А. Эргашхўжаев раҳбарлик қилган гуруҳ аъзолари тонгга яқин қотилнинг шахсини ва манзилгоҳини аниқлашди. У Қибрай туманида яшайдиган Владимир К. экан. Муқаддам судланган 19 ёшли Владимирдан нима учун Любанинг кўкраги ва курагига пичоқ урганини сўрашганда, пинагини бузмай жавоб берди.

— Илгари гижиллашиб қолгандим.

Нашага ихлос қўйган йигит зигирча афсусланмаётгани очик-ойдин сезилиб турарди. Қошқийди, суд ҳам киприк қоқмай унга қаттиқроқ жазо тайинласа...

Ғ. ЖУРАЕВ.

СЎЗ КЕТИДАН СЎЗ КЕЛУР

МОСЛАШУВЧАНЛИК

Мен Оҳангарон шаҳрида яшайман, ҳўжалик ҳисобидаги дезинфекция станциясида бош врач бўлиб ишлайман. «Постда» рўзномасининг 1992 йил 11 январь сонидagi Исмомил Шомуродовнинг «Бош телпак кийиш учунгинами!» мақоласини ўқиб, жуда хурсанд бўлдим. Муштарийлар ўйламайсинлар, каминга Ўзбекистонда дарҳақиқат бошни телпак учун олиб юрганлар кўплигидан хурсанд деб, аксинча мақолада кўтарилган мавзунинг долзарблигидан.

Биз кундалик рўзномаларда ва вақтли нашрининг бошқа турларида ўзбекининг гурури, ҳамиятчилиги, бир сўзлиги ва бошқа-бошқа яхши хислатлари ҳақида кўп гапириб, кўп ёзамиз. Лекин ҳаётда ҳақиқат юзасидан ёндашадиган бўлсак, ҳаммамиз Уткир Ҳошимовнинг «Давлат сирини» публицистик мақоласидаги чойхоначига айланиб қолганлигимизнинг гуруҳи бўламиз. Негаки одамлар жуда мослашувчан бўлиб кетган, кўпчилик сув оққан томонга қараб оқадиган бўлган. Шу жойда бир мисолни эслатиб ўтишни жонз деб биламан, бундан икки-уч йил олдин юртимиз бўйлаб ислом динига ва унинг ақидаларига қарши шиддатли кураш бошланб кетди. Шунда ҳамма ёппасига атенст бўлди-қолди. Ана шу жараёнда фаол қатнашган ўртоқлар бугунги кунда ислом динининг яхши хис-

латлари тўғрисида тарғибот қилишмоқда.

Машинага тумор осган одамларга қаттиқ таъқибга олиш бошланган вақтларда туманимиз фирқа қўмитасида ишловчи обрў-эътиборли бир ўртоқнинг волидаю муҳтарамаси қазо қилди. Кўпчилик қатори кўмиш маросимига — мазор бошига бордик, фотиҳа ўқиб, юзга қўл тортиш вақтида кузатиб тургандим, кўпчилик ўртоқлар фотиҳа қилишдан кўрқди. Бу ўртоқларнинг ҳаммаси ҳам катта-кичик ташкилот раҳбарлари эди. Бугун эса улар таъзияларга борганда ўзлари тиловат қилишмоқда.

Энди 1991 йил 17 мартда ўтказилган референдумга қайтадиган бўлсак. Мен кўпчилик ўртоқлар билан сўхбатлашганимда, тушунган, ўқиган, сибсатга аралашганлар референдумда иттифоқ учун овоз бериш шартлигини кўйиб-пишиб тушунтиришди. Мана 9 ой ўтгандан кейин эса тамоман бошқача кўриниш юз берди. Биз фарзандларимизни бошингга қилиб келганда ҳам, тўғрисида айт, деб тарбия қилмайзу ўзимиз эса ҳаётда аксинча иш тутамиз.

Мен чоп этилган мақолага ўз муносабатимни, ичимда қайнаб, ўзимни қийнаб юрган фикримни кўлдан келганча баён қилдим, холос.

О. ХУДОЙҚУЛОВ.



Жиноят қидирув бўлими ходимларига ҳеч қачон осон бўлган эмас. Айниқса, кейинги уч-тўрт йил ичида уларнинг ташвиши мийг чандон ортди. Аммо масъулият юки, виждон ҳўқми ҳамиша ҳис қилиб турилган жойда ҳар қандай қийинчиликларга бардош берса бўлади.

СУРАТДА: Тошкент шаҳридаги Октябрь тумани ИИБ жиноят қидирув бўлимининг бошлиғи милиция майори И. Серикбоев. У бошлиқ бўлинида юз берган жиноятларни фот эйтиш яхши бормоқда.

Ҳ. ШОДИЕВ суратга олган.

РЎЗНОМАСЕВАР МУЛОҲАЗА ЮРИТАДИ

САБР ҚИЛМОҚ КЕРАК

Мен рўзномангизнинг ашаддий мухлисман. Аммо қўлимга қалам олишга мажбур қилган нарса 16-17 январь воқеаларидир. Хўш, Талабалар шаҳарчасидаги ғалабларнинг сабабчилари кимлар? Уша кунлари матбуотимизда деярли ҳамма айб милицияга тақалди. Азалдан милиция халқ посбони бўлиб, жамоат тартибини, тинчлигини қўриқлаб келган. Уша кунлари ҳам милиционерлар худди шундай иш туттишганига аминман.

Мен ҳам талаба бўлганман. Вақти келганда, бировнинг кирини ювиб, ошхона, кутубхоналарда фаррошлик қилиб ўқитганмиз. У пайтлар 30 сўм стипендия олардик. Баъзиларда ўша ҳам йўқ эди.

Ҳа, талабалик оғир. Аммо оғир деб, дунёга жар солиб, тўс-тўполон кўтариш соғ одамнинг иши эмас-ку.

Халқимизда: «Сабр қилсанг етарсан муродга, сабр қилмасанг қоларсан уят-

га».— деган мақол бор. Ахир, бу бир ўткинчи нарса, тўкинчилик ҳали олдинда-ку.

16-17 январь воқеаларида милиция ходими ҳам қаттиқ яраланган экан. Нега у очик мулоқотда чиқмади? Агар милиция ходими айбдор бўлса, жазоланиши, ҳақ бўлса, нега у ҳақини талаб қилиб, юзини ёруғ қилмаслиги керак?

Мен ушбу фожиа айбдорлари топилиб, тегишли жазо олишларига ҳамда милициянинг одил, инсонпарвар бўлиб қолишига ипонаман.

Н. ҚУРАМАТОВА.

ЮТУҚЛАР БОР, МУАММОЛАР ҲАМ

— Ҳа, чиндан ҳам бўлини бошқармага айлантириш ҳаётини зарурат бўлиб қолган эди, — дейди Куйбишев тумани ички ишлар бошқармаси бошлиғи милиция полковниги Юсуф Салишев. — Ўзингиз ўйлаб кўринг, туманимиз ҳудуди 3 минг 900 гектарни ташкил этади. Аҳоли сони эса 350 мингдан ошиб кетди. Қолаверса, 170 та корхона ва ташкилот, 38 та умумтаълим мактаблари, 10 та меҳмонхона, 5 та олий ва 9 та ўрта махсус ўқув юртрали бор. Ана шундай ҳудудда жамоат тартибини сақлаш ҳамда жиноятчиликнинг олдини олиш масаласи енгил эмас. Амалга оширилган таркибий ўзгариш эса имконият даражамизни анча-мунча кенгайтди.

— Масалани?
— Масалан жиноят қидирув, тергов, жамоат тартибини сақлаш, иқтисодий жиноятчиликка қарши кураш бўлимлари бўлимга айлантирилди. Худди шунингдек, биринчи ва иккинчи шаҳар милиция бўлимлари ҳам бўлим мақоми олдди. Энди улар туман ИИБлари билан тенглаштирилган.

— Кадрлар масаласини ҳал қилиб олдингизларми?
— Биласизми, бошқарма мақомига эга бўлган бўлсакда, ҳозирча қўшимча штатлар ажратилмаган. Мисол учун жиноят қидирув бўйича аввал қанча бўлса, ҳозир ҳам шунча оператив ходим бор. Ваҳоланки, ЖК бўлимига яна ўрта ҳисобда 10-15 нафар ходим керак бўлади.

Тошкент трактор заводи даҳасида жойлашган 1-милиция бўлимида 13 нафар, Ульянов кўчасида жойлашган 2-милиция бўлимида эса 9 нафар

оператив ходимлар бор. Оператив вазиятнинг барқарорлигини таъминлашда бу куч етарли эмас.

Ана шу бўлимлардаги жиноят қидирув кизматиде атиги биттадан машина бор, холос. Хулосани ўзингиз чиқараверинг.

Умуман моддий-техника таъминотимиз яхши эмас. Рақияларга муҳтожмиз.

— Бўлимга бошқарма мақоми берилгани билан муаммолар кўп экан.

— Ҳа, шундай. Аммо биз келажакка умид билан қараямиз. Шунисиға хурсандимизки, фаолиятимизни тўғри баҳолайдиганлар тобора кўпроқ ўз ҳимматларини кўрсатяптилар. Яна мисол келтирадиган бўлсак, «САНИИР» битта «КВЗ» автобусини совға қилди, биз бу машинадан муниципал милиция фаолиятида фойдаланяпмиз. Трактор заводи ишлаб чиқариш бирлашмаси эса «ТОИОТО» микроавтобуси ажратди. Буни ДАН ходимларига бердик. Худди шунингдек, турли корхона ва ташкилотлардан ҳисобдан чиқарилган 2 та «ГАЗ-24» белгили ва 2 та «Москвич» белгили автомашиналар олдик. Озгина ҳаражат қилиб таъмирлатган эдик, янгидай бўлди-қолди.

Шуниси бизга мадад беряптики, маҳаллий ҳокимият раҳбарлари ҳам муаммоларимизни ечишда беради қараб турмаяптилар. Айниқса, туман Кенгаши раиси Шухрат Нусратов ҳамда ижроқўм раиси Акрам Аҳмаджонов ўртоқлардан чексиз миннатдоримиз. Қарангки, ижроқўм ҳисобидан замонавий компьютерга эга бўлди. Бу ишимизда гоёқ қўл келяпти.

— Ана шундай ёрдамлар

натijasи билиняптими?

— Албатта, билиняпти.

— Яна ҳам саволни ойдинлаштирадиган бўлсак, бўлим бошқармага айлантирилгандан кейин бирон-бир ижобий ўзгариш сезилдими?

— 1990 йилда 2 минг 656 та жиноят қайд қилинган эди, бултур эса 350 та кам бўлди. Жиноят қидирув йўналиши бўйича қонунбузарликлар 13,3 фоизга қисқарди. Уларни очиб эса 3,4 фоизга кўпайди.

Бу аслида кам, лекин ҳар ҳолда юқоридаги саволингизга жавоб бўлади.

— Бу йилги аҳвол қандай?

— Ҳозиргача биз кизмат қилаётган ҳудудда 20 марта босқинчилик, 68 марта шахсий мулкни ўғирлаш, 43 марта хонадонларни шипшийдан қилиш каби кўнгилсизликлар юз берди.

— Назаримда, бу аввалги йилнинг шу даврига нисбатан кўпроқ, шекилли?

— Сиз ҳақсиз. Лекин курашни кучайтирдимиз. Ходимларимизнинг ғайрати ўзгача.

— Кечирасизу, мақтовлар рўзнома учун эмасми?

— Киноангизга тушундим. Йўқ, ундай эмас. Мисол учун ўтган йили намуна кўрсатган ходимларни моддий рағбатлантириш учун 50 минг сўм сарфлаганмиз. Бу йил ҳам режалар катта. Табиийки, меҳнати тақдирланаётган ходимнинг бир ғайратига ўн ғайрат қўшилади. Бу эса ғалабанинг энг муҳим шартларидан биридир.

Сухбатдош
Раҳмон АЛИ.



СУРАТДА: Куйбишев тумани ИИБ эксперт-криминалистлари милиция капитани Анатолий Мишачин (чапда), милиция лейтенанти Виталий Газизовлар ҳамкорликда жиноят қуролини кўзда кечиришмоқда.
Ҳусан ТОЖИХУЖАЕВ олган сурат.

КИШИДА УМИД БЎЛСА

Жиноятчиликнинг ўсиши кўп жиҳатдан иқтисодиётга боғлиқ. Ўғирланаётган буюмларга қараб, айни пайтда нима тақчил эканлигини билиб олиш қийинмас.

Мисол учун авваллари биллур идишлар, чет эл кийимлари кўлма-кўл бўлган пайтлари озиқ-овқатга ҳеч ким қайрилиб боқмасди.

Ҳозирги шахсий мулк ўғирликларини таҳлил этадиган бўлсак, ўғрининг назари тушмаган нарса йўқлиги сезиллади.

Куйбишев тумани миқёсида олинган рақамларга мурожаат қиладиган бўлсак, кейинги 1990-1991 йилларда шахсий мулкни ўғирлаш ҳоллари бир мунча камайган эди. Чунинчи, 1989 йилда 692, 1990 йилда 615, 1991 йилда 437.

Аммо шу йилнинг январь ойини ўтган йилнинг шу бир ойи билан таққослаганда, кескин ўсиш кузатилди.

Ана шуни ҳисобга олган туман ИИБ «Комплекс» тадбирини амалга оширди. Тадбир, албатта, яхши самара берди. Бироқ бу жиноятчилик батамом йўқотилди, деган гап эмас.

Мен 20 йилдан буён Куйбишев тумани ички ишлар бошқармасининг ҳуқуқбузарликнинг олдини олиш бўлимида ишлаб, шу нарсани ишонч билан айта оламизки, агар ҳар бир инсон эртанги кунига ишонч ҳосил қилса, эртага бугунгидан ҳам яхши яшашига ишонса, ҳеч қачон эгрилик кўчасига кирмайди.

О. ЗОЛОТУХИНА,
милиция майори.

ИШ ШУНИСИ БИЛАН АЗИЗ

— Неча киши у ерда?
— Икки киши. Бири айвонда, бири ичкарида.

— Қандоқ чиққан бўлсанг, шундоқ овозсиз тушсан, уқдингми? Сал қимирласанг, отаман.

Насим уни шарпасиз пастга олиб тушдида, Ботирга тутқазди.

— Туман ИИБга хабар бериб, қўшимча ёрдам сўранг!

Аммо ёрдам етиб келгунча вақтни бой бермаслик лозимлигини тушунарди. Негаки, ҳар дақиқада ичкаридагилар юқорига сигнал юбориши мумкин.

Насим хонадон эшигига яқинлашди. Эшик синдирилган. Демак шиддат билан ҳаракат қилиш керак. У отилиб хонага кирди-ю, огоҳлантирди.

— Қимирламанг, отаман! Хона тўрида буюмларни йиғиштираётган икки йигитчанинг узатилаган қўллари ҳавода муаллақ туриб қолди.

Йигитчалар милиция ходимларига таниш эди. Уша заҳотнеқ ЖКБ бошлиғи Андрей Боков, бўлим бошлиғининг ўринбосари Ҳамидулла Толибжонов ва катта терговчи Мажд Уватовлар чақиртирилди. Улар иссиғида ишга киришишди.

Тошкент шаҳар Куйбишев тумани ички ишлар бўлимига қарашли 2-шаҳар милиция бўлими 1990 йили иш бошлаганди. Уша вақтда бундай бўлимлар керакми,

керакмасми, деган масалада анча тортишувлар бўлган. Шундай бўлимлар керак экан. Буни вақт кўрсатди.

Мазкур 2-шаҳар милиция бўлими ўз фаолияти мобайнида йирик-йирик жиноий гуруҳларни фош этди. Қанчадан-қанча ўғирлик моллар эгаларига қайтарилди.

— Утган йили бир жиноий гуруҳни қўлга олгандик, — дейди ЖКБ бошлиғи А. Боков. — Шаҳримиз бўйича 132 жиноят ушбу гуруҳ томонидан содир этилган аниқланди. Судга 132 томлик жиноий иш тафсилоти юборилди.

Мана бу қўлга олинган йигитчалар ҳам ўтган йилги танишларимиз. Тергов давомида уларнинг 28 та хонадонини шипшийдан қилгани фош этилиб, судга юборилганди. Бироқ суддагиларга ҳам ҳайронсан, одамларга юз минглаб зиён келтирилганларга икки йил шартли жазо берди. Ҳатто прокурор бу «инсонпарварлик» дан нолиб, ёзма норозилик билдирди. Мана ўзингиз кўриб турибсиз, бугун улар яна ҳибсда.

Агарда август ойида суд қилинган бўлишса, улар орадан бир ой ўтмай, эҳтимол эртаси куннеқ ўғирликка қўл уришган.

Бугун уларнинг чекида 9 та йирик ўғирлик.

— Аммо бу гал ҳам қаттиқ жазо олишига ишонгим келмайди, — дейди терговчи. — Тўғри улар ёш — би-

Соат тунги бир ярим-икки. Ҳозиргина воқеа содир этилган жойдан келган оператив гуруҳ нафасини ростлашга ҳам улгурмади.

Навбатчилик қисмида яна кўнгирак. Оператив навбатчи милиция майори Х. Мамедов гуруҳни тагин оёққа турғазди.

Пушкин-Бишкек кўчасида жойлашган уйларнинг биридаги том устида кимдир юрганмиш. ЖКБ оператив вакили милиция лейтенанти Насим Турдиқулов, навбатчи ёрдамчиси милиция сержанти Ботир Мусалев, оператив машина ҳайдовчиси милиция сержанти Нурлан Нурматовлар уч дақиқа ўтмай юқоридаги манзилга етиб келишди.

Насим Ботирни уй эшиги олдида, Нурлани айвон тарафда қолдирдида, ўзи томга чиқди.

Ҳаммаёқ қоп-қоронғу. Қилт этган товуш йўқ. Овоз чиқармай нарвондан кўтарилча бошлади. Эҳтиёткорлик билан зимистонга оёқ қўйди. Кўзларини туннинг қоронғу пардасига қаттиқроқ қадар, нафас олиши ҳам ҳамма ёққа садо таратаётгандек туюлаверарди.

Томнинг четиде шарпа кўринди. У бир муддат атрофга алаңладида, эгилиб нима биландир машғул бўла бошлади. Қўланка ўз ишига шундай берилиб кетгандики, ёнига яқинлашган Насимни сезмай қолди. Лейтенант деярли унинг қўлоғи остида секин шивирлади:

— Қўлингизни кўтар, қимирлама!
Йигитча кўрқанидан доғ қотиб қолди. Насим бу ерда бир неча киши иш олиб бораётганини сезиб, секин сўради.

Менинг назаримда жиноятчи балоғат ёшига етмаганми, унинг ота-онаси ана шу миқдорни тўласин. Мажбур бўлсин тўлашга. Балоғат ёшида бўлса, етказган зарарини ўзи қопласин.

Дарҳақиқат, биз жиноятчиларга «инсонпарварлик» қилиб, уларнинг сафларини кенгайтириб юбормаётганмикинми? Отанинг қилмиши учун бола жавобгар эмас, деб боланинг қилмиши учун ҳам отани жавобгарликдан озод қилиб юбормадикмикин? Бориб-бориб эса ҳеч ким ҳеч нарса учун жавоб бермаслик ақидаси ўрнашиб қолмадикмикин онгимизда? Оқибатда ҳатто ўз қилмиши учун жавоб бериш малол келадиган томонга кетмаётганмикинми?

2-шаҳар милиция бўлимида иш қизғин. Оператив гуруҳ яна йўлга чиқди. Уларда ҳозир биргина фикр — тезроқ воқеа жойига бориш, жиноятчини иссиғида қўлга олиш.

Мана шу бир неча дақиқа уларнинг иш натижасини, балки ҳаёт-мамотини белгилайди, десан эҳтимол муболага бўлмас. Ҳеч ким олдиндан вазиятни айтиб беролмайди. Фақат сезгингиз панд бермасин. Қолгани бақувват қўлларингизга, эпчил, дадил ҳаракатларингизга боғлиқ.

Бўлимдаги ходимларнинг иш кунлари ҳар кун шундай кечади. Жиноятчини иш устида қўлга туширишса-ку, қувончларига сўз йўқу-я, аммо акси бўлса, ўзларини қўйишга жой тополмайдилар. Эҳтимол ишлари шуниси билан ҳам уларга азиздир.

М. ИБРОҲИМОВА.

ЭРТАГА АЛИШЕР НАВОИНИНГ
ТУҒИЛГАН КУНИ

ҒАЗАЛ

Оқара бошлади бошу тўқула бошлади тиш,
Сафар яроғини қилғилки, тушти бошинга иш.

Ингитлигим борибон, келди бошима қарилғи,
Фано йўлида бу янглиғ эмниш боришу келиш.

Юз улки, қирқдин элликка қўйди юз, қилса
Минг ишидин бирига яхшилиқ маҳол эрмиш.

Эзур ҳаётнинг ўт янглиғ ўтмакига далил,
Кишики, ё кеби қадга асодин этти кериш.

Абудур олти жиҳатдин манга чу етти фалак,
Не суд ёшим агар олтмиш ва гар етмиш.

Ингитлик ўлди баҳору кухулат ўлди хазон,
Дегай бу сўзни — қарилғини қишқа ўхшатмиш.

Не қиш нишоти манга қолди, не хазон, не баҳор,
Наҳорима чу хазон қўйди юз, хазонима — қиш.

Не турфа ишки, бирав чун торикти умридин,
Деса узун яша, қарғишдур анга бу алқиш.

Навиё, тутар аҳли фано нажот йўлин,
Эришмак истар эсанг ишда, ҳам аларни эрши.

Тамаъ этма, кўп ўлса эл моли,
Кўрмайин ҳақ хазинасин ҳоли.

Кўк баҳридин яна тамаъ ком тутмайин
Ким, қатра су томизмас, эл оғзин қурутмайин.


Кўнгулга футур ўлмайин, роз очилмас,
Садаф гар бутун бўлса, гавҳар сочилмас.

Юқар ёмонлиғ ангаким, кирар ёмон эл аро,
Кўмўр аро илик ўрған қилур илкени қаро.

Фориг элдур анда бори қондадур,
Ким бу даврондадур, дармондадур.

Дунёву уқбо иккиси жамъ ўлмас, эй рафиқ,
Кимки икки кема учини тутса, бўлур гариф.

Алишер НАВОИИ.



Ойнаи жаҳонда

ШАНБА. 8. II.

УзТВ I

- 8.00 «Ассалому алайкум».
- 9.00 «Лайли ва Мажнун». Видеофильм. 2-қисм (такрор).
- 10.15 Узбек тилини ўрганамиз.
- 10.45 «Биага мактуб йўллаб-сиз».
- 11.15 «Бозор майдонидаги от ўйини». Бадий фильм.
- 12.40 Глиэр номидаги Республика мусиқа мактаб-интернати ўқувчиларининг концерти.
- 13.20 «Дўстлик» студияси кўрсатади. «Замандас» (қозоқ тилида).
- 14.20 «Ешлик» студияси кўрсатади. «Даврага кел, дугонажон».
- 17.55 Кўрсатувлар тартиби.
- 18.00 «Урмон эртақлари». Мультфильм.
- 18.15 Усмирлар учун. «Тенгдошлар».
- 19.00 «Узбекистон» ахбороти [рус тилида].
- 19.20 Инглиз тили. 13-машгулот.
- 19.50 «Узбекистон телевидениеси. У қандай бўлиши керак!» Томошабинлар билан мулоқот.
- 21.00 «Узбекистон» ахбороти.
- 21.30 «Лайли ва Мажнун». Алишер Навоий достони асосида тайёрланган кўп қисмли видеофильм премьераси. 3-қисм.
- 23.10 Эртанги кўрсатувлар тартиби.

УзТВ II

ДУШАНБЕ КўРСАТАДИ:

- 9.00 «Савту калом». Адабий-мусиқий кўрсатуви.
- 9.55 «Тирранча». Бадий фильм.
- 18.05 «Чароғак». Болалар учун кўрсатуви.
- 18.30 «Чехран ҳунар». Тожикистонда хизмат кўрсатган артист Меҳри Ҳожибоева.
- 19.30 «Новости».
- 19.40 «Бишнава аз най». Маснавий маънавий Жалолиддин Румий.
- 20.30 «Ахбор».
- 20.50 «Ситорахон Шарқ». Аҳдия [Эрон].
- 22.00 «Тирранча». Бадий фильм.

«ОРБИТА IV»

- 7.30 Ишбилармон кишининг шанба тонги.
- 8.30 «Олтин хўроз ҳақида эртанги». Мультфильм.
- 9.00 «Уйғонаётган Африка».
- 10.00 Тонгги мусиқий кўрсатуви.
- 10.30 «Марказ».
- 11.10 А. Скрябин таваллудининг 120 йиллигига. Фортепиано миниатюралари.
- 11.40 «ЭХ». Экологик хроника.
- 11.55 «Ушандан сўнг...». Мультфильм премьераси.
- 12.15 «Тадбиркор». Ишбилармон кишилар клуби.
- 13.30 «Мусиқий дўкон».
- 14.00 Янгилликлар.
- 14.20 «Бойлар ҳам йнғлайди». Кўп серияли телевизион бадий фильм премьераси.
- 15.20 «Веди».
- 15.50 «Майя ярисси». Кўп серияли мультфильм премьераси.
- 16.15 Ян Сибелиус. «Ғамгин вальс».
- 16.20 «XX аср солдатлари урушга қарши» халқаро телемарафонига.
- 16.35 «Бир боқишда муҳаббат». 1-қун.
- 17.15 Олимпиадчилар энёфати.
- 18.15 Режиссёр Г. Данелия фильмлари. «Ғам ома».
- 19.50 Мультфильмлар.
- 20.00 Янгилликлар.
- 20.20 Лўлллар куйлари.
- 20.35 Хайрли тун, кичкинтойлар!
- 20.50 XVI қишқи олимпиада ўйинларининг очилиши.
- 22.45 «...Маъзур тутинг. А. Пушкини».

23.15 «Астра» таништиради: «Қақнус».

- 00.15 XVI қишқи олимпиада ўйинларида.
- 02.55 «Жиноятчи гул юборибди». Телевизион бадий фильм. «Деррик» туркумидан.
- 03.55 «Саҳна ортида». Э. Марцевич.

ЯКШАНБА. 9. II.

УзТВ I

- 8.00 «Узбекистон» ахбороти.
- 8.30 «Лайли ва Мажнун». Видеофильм. 3-қисм. (такрор).
- 10.00 Араб тили. 20-машгулот.
- 10.30 «Ойижон, мен тирикман». Бадий фильм.
- 11.40 «Театр ва замон». Алишер Навоий асарлари саҳнада.
- 12.40 Мактаб ўқувчилари учун «Қувноқ» стартлар.
- 13.30 «Ешлик» студияси кўрсатади. «Мулоқот».
- 17.55 Кўрсатувлар тартиби.
- 18.00 «Чин сўз». Мультфильмлар тўплами.
- 18.30 Болалар учун. «Оз-оз ўрганиб доно бўлур».
- 19.00 «Узбекистон» ахбороти [рус тилида].
- 19.20 Кичик концерт.
- 19.40 «Меҳр кўп кўргаздим». Узбекистон халқ артисти Манзура Ҳамидова.
- 21.00 «Узбекистон» ахбороти.
- 21.30 «Навоий гулшани». Адабий-мусиқий кўрсатуви.
- 22.20 «Тошкент» студияси кўрсатади. «Омад».

УзТВ 2

- БИШКЕК КўРСАТАДИ:
- 9.05 «Узга сайёраликлар». Мультфильм. 1-серия.
- 9.25 «Бобоқ, сенин жомагун».
- 9.45 Қирғизча сўзлашишни ўрганамиз.
- 10.15 «Ачиқ конул балдарбиз».
- 10.35 «Ҳамма, ҳаммага хайрли кун».
- 18.05 «Узга сайёраликлар». Мультфильм. 2-серия.
- 18.25 «Ир кесе».
- 19.30 «Ала-Тоо».
- 19.50 «Ир кесе» (давоми).
- 20.40 Кечки видеосалон.

«ОРБИТА IV»

- 8.00 Ритмик гимнастика.
- 8.30 «Спортлото» тиражи.
- 8.45 Спорт ҳамма учун.
- 9.15 Мультфильмлар.
- 9.35 «Эрта саҳарлаб».
- 10.20 «Бир эркак қандай қилиб ҳаммаини боқмоқчи?».
- 11.00 «Тонг юлдузи».
- 11.50 Руки премьераси. «Анжуман».
- 13.05 А. Глазунов. «Раймонда» балетига ёзилган мусиқалардан сюита.
- 13.20 «Камалак» халқ ижодиёти телекўрсатувлар IX халқаро фестивали (Болгария).
- 13.50 XVI қишқи олимпиада ўйинларида.
- 15.30 Янгилликлар.
- 15.50 Мультфильмлар.
- 16.10 Турли мамлакатларнинг эртақлари ва афсоналари. «Тақдирингиз синаб кўрма» (Индонезия).
- 16.20 «Саёҳатчилар клуби».
- 17.20 «Бир боқишда муҳаббат». 2-қун.
- 18.00 «Карагод» ансамбли икросида рус шоирларининг шеърларига ёзилган халқ кўшиқлари.
- 18.30 «Уолт Дисней таништиради...».
- 19.20 Янгилликлар.
- 19.35 «Телеложия».
- 19.55 Ялтада Рождество байрамаи.
- 20.25 «Олтинчи палата». Телеспектакль премьераси.
- 22.00 «Якуилар».
- 22.45 Мультфильм.
- 23.00 Чана спорт. Эртанги.
- 23.30 Конькида югуриш спорт. 3000 м. Хотин-қизлар.
- 00.15 90 м. Трамплиндан сакраш.
- 01.00 А. Серовнинг янги кўшиқлари таништирилади.

02.00 «Оқшом оҳанглари».

Концерт-фантазия.

ДУШАНБА. 10. II.

УзТВ I

- 17.55 Кўрсатувлар тартиби.
- 18.00 «Узбекистон» ахбороти.
- 18.10 «Қоғоз соатлар майдони». Мультфильм.
- 18.30 «Фармон ва ижро».
- 19.00 «Узбекистон» ахбороти [рус тилида].
- 19.15 Охунжон Мадалиев куйлайди.
- 20.00 «Узбекистон» ахбороти.
- 20.10 «Тадбиркорлар ҳузурда».
- 20.25 «Санъат — қалб осмони». Мусаввир Маҳмуд Жўраев.
- 21.00 «Узбекистон» ахбороти.
- 21.20 «Жаҳонга йўл». Дўстлик ришталари.
- 21.55 Ойнаи жаҳон бисоти. «Сумалак» рақс ансамблининг концерти.
- 22.25 «Шаронга қараб иш тут». Бадий фильм.
- 23.30 Эртанги кўрсатувлар тартиби.
- Уқув кўрсатувлари
- 10.30 Физика. Электромагнитизм ва унинг техникадаги аҳамияти.
- 11.00 «Юрак операцияси». Телефильм.
- 11.30 Жўрофия. Дарё ва қўллар.

«ТОШКЕНТ»
СТУДИЯСИ КўРСАТАДИ

18.30 «Ассалому алайкум»

(такрор).

19.30 «Билиб қўйган яхши».

19.45 «Мафтунок Марка-

коль кўли». Телефильм.

20.00 «Чорвадор».

20.30 «Лаҳза». Хабарлар.

20.40 Узбекистон Республи-

каси Ички ишлар вазирлиги

матбуот маркази хабар қилади.

20.55 «Зиёкор».

21.35 «Ворис». Бадий

фильм.

23.00 «Лаҳза». Хабарлар.

«ОРБИТА IV»

- 6.00 «Тонг».
- 8.35 Мультфильмлар: «Мумитролль ва бошқалар», «Мумитролль ва комета».
- 9.10 «Тапион хоним». Телевизион бадий фильм.
- 10.40 Турли мамлакатларнинг эртақлари ва афсоналари. «Тақдирингиз синаб кўрма» (Индонезия).
- 10.50 Доғистон Давлат «Лезгинка» рақс ансамблининг концерти.
- 11.35 «Шифобахш дори-дармонлар ён-атрофимизда». Телефильм премьераси (Тошкент).
- 12.00 Янгилликлар.
- 12.20 «Бу бўлган, бўлганди...».
- 12.45 «Бекат назоратчиси». Телевизион бадий фильм.
- 13.55 XVI қишқи олимпиада ўйинлари. Чанги спорт. 30 км. [Эртанги].
- 16.15 Янгилликлар [сурдо таржимаси билан].
- 16.35 «XX аср солдатлари урушга қарши» халқаро телемарафонига.
- 17.00 XVI қишқи олимпиада ўйинлари. Чана спорт. [Эртанги].
- 17.30 Рашида Идрисова куйлайди.
- 17.45 «Чемпионлар билан биргаликда».
- 18.00 Янгилликлар.
- 18.20 «Тапион хоним». Телевизион бадий фильм.
- 19.45 «Вақира-вуқур қурбақа». Мультфильм.
- 19.00 XVI қишқи олимпиада ўйинлари. Конькида югуриш спорт. 500 м. [Хотин-қизлар].
- 21.00 Янгилликлар.
- 21.20 «Янги студия» таништиради: «Монтаж», «Узим сари йўл», «Бирок...».
- 23.35 XVI қишқи олимпиада ўйинлари.
- 00.55 А. Баянова концертида.

[«Тошкентдан гапирамиз ва кўрсатамиз» ҳафталигидан олинди].

ОҚ «ОҒУ» АСИРЛАРИ

Гулистон шаҳар ИИБ қошидаги тиббий ҳушёрхонанинг бошлиғи милиция капитани Анвар Холиқбердиев билан мулоқот.

— Анвар Холиқбердиевич, хизмат юмушларингиз шунчалик оғир ва ташвишлики, қачон келмалик чақирилмаган «меҳмон»лар билан банд бўласиз?

— Нимасини айтасиз. 1991 йилнинг ўзида 773 нафар кутилмаган «меҳмон»ларни қабул қилиб олдим. «Қўноқ»ларимиз орасида шундай сурбет ва юзизлари борки, ҳушёрхонага қайта-қайта ташриф буюришдан асло эринишмайди.

— Ана шундай гап уқмас, сув уқмас «мижоз»ларингиз билан таништирмайсизми?

— Бажонидил, Гулистон шаҳрининг Ленин кўчасида яшовчи Юрий Очкилас. Бу ишқимас, ялқов ҳеч қаеда ёлчотиб ишламайди. Текин-хўрлик билан умр кечиради. Огоҳлантириш ва жарималар чивин чаққанчалик таъсир этмапти. Шамил Ҳайдаров деган кимса ҳам ҳушёрхонада бир неча бор тунаб кетди. У ҳозир назорат остида турибди. Раҳим Очилдиев ароққа обдон «тўйса», оёғи чалишиб, кўчада ётиб қолади. У ҳам эски «мижозларимиз»дан. Энг ачинарлиси ҳушёрхонага келтирилган пиянисталарнинг бир қисмини тўрт мучаси соғ, бир хонадон соҳибаси бўладиган аёллар ташкил этапти. Аёл киши оғзидан бадбўй ҳидни анқитиб, кўчада бешиктерватардай чайқалиб, маст-аласт бўлиб юришининг ўзи жуда нохуш манзара.

— Аёлни гўзаллик, латофат рамзи деб биламиз, ахир.

— Балли. Энди мана бу рақамларга эътибор беринг. Утган йили 43 та ичкиликбоз жувонни рўйхатга олдим. Январь ойининг ярмига қадар 6 та ширакайф аёл ушланди. Жумладан шаҳарнинг 3, 4-мавзелаарида яшовчи Нина Жаниева, Татьяна Орлова, Татьяна Куричкиналар оёнда туролмайдиган ҳолда маст-аласт бўлиб юрганларида, ҳушёрхонага келтирилди. Таажжубанарлиси бу ароқхўрлар бор-йўғи 16 ёшни қаршилаганлар. Аммо на ўқиш, на иш жойининг тайини бор. Шу ёшидан ичкиликка, тамакига ружу қўйиб, пала-партиш, енгил-елпи ҳаёт кечиршмоқда. Шу ўринда яна бир ичкиликбоз Татьянанинг номини тилга олмоқчиман. Шаҳарнинг Фурманов кўчасида яшовчи 32 ёшли Т. Ваксамова 1992 йилнинг биринчи кечасини ҳушёрхонада ўтказди. Бу ароқхўр аёл тавбасига таянтирилиб, 20 сўм жарима билан «сийланди»...

— Ингирма сўм?!

— Ҳа. Бу нарса мени кўпдан бери ўйлантириб келаяпти. Ўзингиз ўйлаб кўринг, ароқхўр ҳушёрхонага биринчи марта тушса, 20 сўм, иккинчи мартада эса 50 сўм жарима тўлаши керак. Агар бу ҳол узинчи бор ҳам такрорланса, у қонун йўли билан жазоланиб, судга берилади. Қонун шакшубҳасиз қайта ишланиши, ичкиликбозга нисбатан талабчанроқ бўлиши керак.

Суҳбатдош
Анорбой НОРҚУЛОВ.

МАНЗИЛГОҲИМИЗ: 700029, Тошкент, Лопатин кўчаси, 1.

Узбекистон Жумҳурияти «Шарқ» нашриёт-матбаачилик концерни
Босмахонаси. 700083, Тошкент, Ленинград кўчаси, 32.

Телефонлар: муҳаррир—54-37-91,
муҳаррир ўринбосари — 39-77-23,
муҳбирлар бўлими — 59-28-56,
59-20-92, умумий бўлим — 59-21-21.

«ПОСТДА» — («НА ПОСТУ») Орган коллегии МВД Республики Узбекистан 43920 нусхада чоп этилди.